

建寧縣志

卷之四

論音

宸章

巡幸

卷之一

星土

建置沿革

形勝

六景附

疆域

城池

坊第附

公署

倉庫附

學校

義學

生員額數附

里社

集市

卷之二

田賦

戶口

起運

存留

課程

剝船

撥補

卷之三

河渠

橋梁附

武備

秩祀

祠宇附

郵傳

卷之四

古蹟

寺觀

風俗

物產

機祥

卷之五

職官

卷之六

選舉

卷之七

名宦

褒封

流寓

仙釋

卷之八

人物 附內臣

卷之九

列女

卷之十

藝文 章奏 申詳條議

卷之十一

藝文 碑記

卷之十

藝文 序 傳 墓誌 詩

卷之末

原序 跋

武清縣志卷之一

星土

周禮保章氏以星土辨九州之地所封封域皆有分星至漢太史公天官書以二十八舍主十二州班固漢志以十二次十二野相配晉書則又詳分郡國皆所以觀妖祥也人事感於下天象應於上相與之際詎可忽耶夫武清小邑分野未及一度而考諸經史傳記大同之中不無小異今擇其足相發明者悉條錄於左惟清

天文分野之書其推步較密似可爲依據耳志

星土

析木燕之分星幽州之星土也

周禮  
總義

孟冬之月日在尾

月令

孟冬者日月會於析木之津而斗建亥之辰也

月令

註

按三統歷十月節日在尾十度按元嘉歷十月

中日在尾十二度

月令  
疏

自尾四度至斗六度謂之析木之次

月令  
章句

箕斗之間有天漢故謂之析木之津

左傳註

析木之津於十二次爲位在寅也

左傳疏

箕尾爲燕

春秋說題辭

析木謂之津箕斗之間漢津也

爾雅

箕龍尾斗南斗天漢之津梁

爾雅註

析木之津劉炫調是天漢卽天河也在箕斗二

星之間箕在東方木位斗在北方水位分析水

木以箕星爲隔隔河須津梁以渡故謂此次爲

析木之津也

爾雅疏

尾箕幽州

史記天官書

東宮尾爲九子

同上

析木初尾十度立冬中箕七度小雪終於斗十

一度

漢書律歷志

燕地尾箕分壘也東有漁陽右北平遼西遼東

西有上谷代郡雁門南得涿郡之易容城範

北新城故安涿縣良鄉新昌及渤海之安次

燕次也

漢書地理志

劉向言地分燕地尾箕之分野也自尾四度至

斗六度謂之析木之次燕之分也

漢書地理志

自尾十度至南斗十一度爲析木於辰爲寅燕

之分野屬幽州

費直周易分野析木起尾九度蔡邕月令章句析木起尾四度

晉書天文志

天

天漢起東方經尾箕之間謂之漢津

同上

陳卓范蠡鬼谷先生張良諸葛亮譙周京房張

衡並云尾箕燕幽州

同上

漁陽入尾三度

同上

尾亦爲九子亦曰天津一曰天雞主八風

隋書天文

志

自尾十度至南斗十一度爲析木屬幽州

隋書地理

志

析木爲雲漢末派山河極焉故其分野自北河末派窮北紀之曲東北負海爲析木負海者以

其雲漢之陰也

唐書天文志

尾箕析木津也初尾七度餘二千七百五十秒二十一少中箕五度終南斗八度自渤海九河之北得漢河間涿郡廣陽及上谷漁陽右北平

遼西遼東樂浪元菟古北燕孤竹無終之國尾  
得雲漢之末派龜魚麗焉當九河之下流濱於  
渤海皆北紀之所窮也

同上

河北道蓋古冀州之境瀛莫幽易涿平嬀檀薊

營安東爲析木津分

唐書地理志

東方尾宿九星按漢永元銅儀尾宿十八度唐  
開元游儀同舊去極百二十度一云百四十度  
今百二十四度景祐測驗亦十八度詎西行從  
西第二星去極百二十八度在赤道外二十二

度乾象新書二十七度

宋史天文志

析津本晉薊縣改薊北縣開泰元年更今名以

燕分野旅寅爲析木之津故

遼史地理志

尾三度九十七分七十二秒外入燕分析木之

次辰在寅

元史歷志

尾九星如鈎蒼龍尾

步天歌

自尾十度至斗七度百三十五分而終曰析木

之次於辰在寅謂之攝提格於律爲應鐘斗建

在亥今燕分野

帝王世紀

應天府濟間府天文尾箕分野

明志

通州三河武清尾二度

清類天文分野之書

按史記云尾箕幽州漢書云燕地尾箕分野

皆舉一州而言也晉書云漁陽入尾三度清

類天文分野之書云武清尾二度各舉郡縣

而言也則武清爲尾星之分野而無關於箕

星明矣此其大同者也至漢書隋書謂自尾

十度至斗十一度爲析木費直謂起尾九度

蔡邕謂起尾四度唐書謂初尾七度餘終斗

八度元史謂尾三度入燕分析木之次而今之時憲書則自房初度至箕二度爲析木之次此其小異者也以歷代考之尾二度不應在析木之次以今考之尾二度正在析木之中其度數之不同殆晉虞喜所謂歲差而唐一行之大衍歷所謂八十三年差一度之說歟備錄之以俟